

Ա. ԲԱՐՍԵՂՅԱՆ

ԱՄԵՐԻԿԱՆ ԻՄՊԵՐԻԱԼԻԶՄԻ 1917—1920 ԹԹ. ՍՈՎԵՏԱԿԱՆ
ԻՇԽԱՆՈՒԹՅԱՆ ԴԵՄ ԿԱԶՄԱԿԵՐՊԱԾ ԱԳՐԵՍԻԱՅԻ
ԶԱԽՈՂՈՒՄԸ

Ամերիկյան ժամանակակից կառավարական կլիկի հակասովետական ռեակցիոն քաղաքականությունն ունի իր պատմական անփառունակ անցյալը դեռևս սովետական իշխանության առաջին տարիներից:

Պատմության ամերիկյան կեղծարարները շատ ջանք են թափել և այժմ էլ թափում են «գունադարդելու» համաշխարհային ռեակցիայի հենարանը հանդիսացող ԱՄՆ-ի իմպերիալիստական կառավարության քաղաքականությունը, որը ռեակցիայի և ագրեսիայի քաղաքականությունն է:

Շումաններն ու Ռեններները, սոցիալ-դավաճան մյուս գրչակները Ուոլ-Ստրիտի ջատագով պատմաբանների հետ գործակցած, գրել են և գրում են դրքեր, հոդվածներ, որոնց մեջ ամեն կերպ աշխատում են բոլորովին ժխտել այն իրական դերը, որ խաղացել է ԱՄՆ-ը սովետական պետության դեմ կազմակերպված ավազակային ինտերվենցիայում՝ դեռևս սովետական իշխանության գոյության առաջին տարիներին: Այդ կաշառված գրչակներն իրենց «աշխատությունների» մեջ գունազարդում են ամերիկյան իմպերիալիզմի քաղաքականությունը, գովերգում այն:

Դժբախտաբար մեր սովետական պատմաբաններից ոմանք նույնպես ռազմական ինտերվենցիայի պատմությունը քննարկելիս չեն բացահայտել և մերկացրել ամերիկյան իմպերիալիզմի դերը սովետական իշխանության դեմ կազմակերպված ինտերվենցիայում: Օրինակ՝ ամենամասնայական մի գլուխում, միջնակարգ դպրոցների 10-րդ դասարանի համար հրատարակված ՍՍՌՄ-ի պատմության դասագրքի 3-րդ հատորում չի բացահայտվում ամերիկյան իմպերիալիզմի թշնամական դիրքը և փաստական նյութով ցույց չի տրվում, որ ԱՄՆ-ը մասնակցել է Սովետական Ռուսաստանի դեմ կազմակերպված ինտերվենցիային:

Պրոֆ. Լ. Ի. Զուբովը իր «Նորագույն պատմություն» գրքում պնդում է, որ իբր թե «Վիլսոնը դեմ էր բացահայտ ինտերվենցիային»,² որ ի տարբերություն մյուս իմպերիալիստական պետությունների «ԱՄՆ-ը մինչև 1918 թ. կեսերը չէր միացել ինտերվենտներին»:³

Մի ուրիշ «պատմաբան» Վ. Լանը իր «ԱՄՆ-ը առաջին համաշխարհային պատերազմից մինչև 2-րդը» գրքում⁴ աղավաղելով պատմական փաստերը,

¹ ՍՍՌՄ պատմություն, 3-րդ մաս, 2-րդ հրատ., Հայպետհրատ, Երևան, 1950 թ.:

² Л. И. Зубов, США, в 1918—1923 годах. Новейшая история 1918—1923 гг. 1948 г. стр. 156.

³ Նույն տեղում:

⁴ В. Лан, США от первой до второй мировой войны, Гослитиздат, 1947, см. стр. 61, 68 и др.

հանդես է դալիս ամերիկյան իմպերիալիզմին և նրա պարագլուխ Վիլսոնին դավերգողի դերում, բացառելով նրա ակտիվ մասնակցությունը Սովետական Ռուսաստանի դեմ ռազմական ինտերվենցիա կազմակերպելու գործում:

Այդ և ուրիշ աշխատությունների մեջ Ռուսաստանի սովետական իշխանության դեմ 1918—1920 թթ. կազմակերպված ինտերվենցիային ԱՄՆ-ի մասնակցության անտեսումը աղավաղում է պատմական ճշմարտությունը:

Ամեն տեսակ խրախուսանքի արժանի են և մեծ հետաքրքրություն ու արժեք ունեն Ա. Բերյոզկինի «США — активный организатор и участник военной интервенции против Советской России»¹ գիրքը, Ա. Լեոնտևի «Империализм доллара в Западной Европе»² գիրքը, Բ. Շտեյնի «Русский вопрос на парижской мирной конференции»³ գիրքը և Ա. Ե. Կուլինայի «Провал американских планов завоевания мирового господства в 1917—1920 гг.»⁴ աշխատությունը:

Այդ աշխատությունների հեղինակները բարեխղճորեն ուսումնասիրել են Լենինի և Ստալինի ասույթները ԱՄՆ-ի իմպերիալիզմի գիշատիչ բնույթի մասին, և չեն ելել լենինյան-ստալինյան դրույթներից, պատմական հարուստ փաստացի նյութերի անալիզի հիման վրա նրանք մերկացնում և ցույց են տալիս ամերիկյան իմպերիալիզմի ակտիվ դերը որպես Սովետական Ռուսաստանի դեմ ավազակային արշավանքի կազմակերպիչներից ու ռգեշնչողներից մեկի, որն անգլիական, ֆրանսիական և ճապոնական զավթիչների հետ միասին ձրդտում էր սովետական իշխանությունը տապալել դեռևս 1917—1920 թթ.: Նրանք միաժամանակ ցույց են տալիս ամերիկյան իմպերիալիզմի ագրեսիայի խայտառակ ձախողումը:

Ամերիկյան իմպերիալիստները Ռուսաստանի հարստություններով վաղուց էին հափշտակվում: Դեռևս 19-րդ դարում (1867 թ.) ԱՄՆ-ը ռուսական ապիկար թագավորին խաբելով, չնչին արժեքով՝ 14.320.000 ռուբլով (7,2 միլիոն դոլարով) «գնեց» Ռուսաստանին պատկանող Ալյասկա թերակղզին: Այդ գործարքի նպատակն էր ոչ միայն տիրել և յուրացնել Ալյասկայի ընդերքի հարստությունները, այլև Ալյասկան օգտագործել որպես ստրատեգիական պլացդարմ, ուղի հարթել դեպի Ռուսաստան հետագա ագրեսիայի համար:

Մարքսը մատնանշում էր, որ նոր տերիտորիաների զավթումը, նոր ժողովուրդների վերածումն ստրուկների, կազմում է Ամերիկայի Միացյալ Նահանգների ստրկատերերի կյանքի օրենքը: Ուրիշների տերիտորիաները բռնությամբ զավթելու մասին գրել են հենց իրենք, ամերիկյան պատմագիրները: 1903 թ. ԱՄՆ-ում հրապարակվել է «Ամերիկյան բանակի պատմությունը» վերնագրով մի գիրք, որը ոչ այլ ինչ է, եթե ոչ Ամերիկայի իմպերիալիզմի կողմից ուրիշ երկրների զավթման և ուրիշ ժողովուրդների ստրկացման պատմությունը: Այդ գրքի մեջ նշված է, որ ԱՄՆ-ի անկախության հռչակումից սկսած մինչև 1903 թիվը ԱՄՆ-ը մղել է 114 պատերազմ, նրա բանակը տվել է 8600

¹ Гослитиздат, Москва, 1949, стр. 132. Գիրքը 1951 թ. արժանացել է Ստալինյան մրցանակի:

² Гослитиздат, 1949, стр. 419.

³ Гослитиздат, 1949, стр. 463.

⁴ Госполитиздат, 1951, стр. 236.

⁵ К. Маркс и Ф. Энгельс, Соч. т. 12, ч. 2, стр. 240.

մեծ և փոքր ճակատամարտ և ընդհարումներ։ Այդ ժամանակամիջոցում ԱՄՆ-ի տերիտորիան 386.000 քառ. միլ տարածությունից՝ զավթումների միջոցով ավելացել էր 10 անգամ, կամ ուրիշ ժողովուրդներից գրավվել և ԱՄՆ-ին էր միացվել ավելի քան 3.000.000 քառ. միլ։¹

Այդ տարածությունների վրա ապրող տասնյակ միլիոնավոր նեգրեր, հրե-դրվներ և այլն դարձան ԱՄՆ-ի իմպերիալիստների ագրեսիայի զոհերը, զրկվեցին ազատությունից և ընկան «քաղաքակիրթ» միլիարդատերերի ստրկական լծի տակ։ ԱՄՆ-ի ստրկատերերը, իրենց տիրապետությունը տարածելով դեպի Հարավային Ամերիկա, Աֆրիկա, Զինաստան և Մայր ցամաքների ու ծովերի այլ կողմերը, երբեք իրենց ուշադրությունից չէին հեռացնում անձայրածիր Ռուսաստանն իր հարստություններով։

Ամերիկյան խոշոր կապիտալիստներից մեկը՝ Հերբերտ Հուվերը (հետագայում ԱՄՆ-ի պրեզիդենտ) դեռևս 1909 թ. թափանցելով Ռուսաստան, սկսեց շահագործել Մայկոպի նավթահանքերը։ Նա մեկ տարվա ընթացքում կալվածակերպել էր 11 նավթային «ակցիոներական ընկերություն» և իր ձեռքը կենտրոնացրել նրանց ակցիաները։ Այնուհետև Հուվերը անգլիական միլիոնատեր Լեսլի Ուրկվարտի հետ միասին նույնպիսի «ընկերություններ» ստեղծեց նաև Ուրալում և Սիբիրում և սկսեց շահագործել այդ ուսյոնների հանքային հարստությունները։ Հուվերի մոնոպոլիաները Ռուսաստանում 1912 թ. արդեն ունեին մեկ միլիարդ դոլարի հասնող հարստություն։²

Հուվերը միակ արդյունաբերողը չէր, որ ցարիզմի ժամանակ ձգտում էր արմատներ դրել Ռուսաստանում։ Մասնավորապես առաջին համաշխարհային պատերազմի նախօրյակին և պատերազմի տարիներին հսկայական չափերով ավելացավ ԱՄՆ-ի ապրանքների ներմուծումը Ռուսաստան։ Ռուսական շուկան հետզհետե դառնում էր ԱՄՆ-ի մոնոպոլիստների ապրանքների սպառողը։ Այսպես, ԱՄՆ-ից Ռուսաստան ներմուծումը և Ռուսաստանից ԱՄՆ արտահանումը 1913—1916 թթ. հետևյալ պատկերն է ներկայացնում ապրանքի արժեքը հաշված միլիոն դոլարներով։³

Տարիներ	Ռուսաստանից ԱՄՆ արտահանում	ԱՄՆ-ից Ռուսաստան ներմուծում
1913 թ.	24.377.070	26.909.707
1914 թ.	14.569.397	27.955.337
1915 թ.	3.086.595	169.933.904
1916 թ.	8.618.695	470.508.254

Այս թվերը ցույց են տալիս, որ տարեց տարի ցարական Ռուսաստանն ավելի ու ավելի էր կախման մեջ ընկնում ԱՄՆ-ից։ Համաշխարհային պատերազմի տարիներին Ռուսաստանը հեղեղված էր ամերիկյան զանազան միսիա-

¹ А. Леонтьев, Империализм доллара в Западной Европе, Госполитиздат, 1949, стр. 6—7.

² М. Сейерс и А. Кан, Тайная война против Советской России, стр. 117—118.

³ Աղյուսակը բերվում է ըսկ. *Բերյոզկինի* США—активный организатор и участник военной интервенции против Советской России в 1918—1920 гг. *զրբից*, М. 1949, стр. 10.

ներով, կոնսուլություններով, ռազմա-քաղաքական խորհրդականներով և այլ ներկայացուցչություններով, որոնք բոլորն էլ հետապնդում էին նույն նպատակը՝ Ռուսաստանում ամերիկյան իմպերիալիզմի դիրքերի ամրապնդումը և ամերիկյան մոնոպոլիաների շահերի ապահովումը:

Նշենք դրանցից ամենահայտնիներին:

Խոշոր բանկիր և հացի մոնոպոլիստ Ֆրենսիսը 1916 թ. նշանակվել էր Պետրոգրադում ԱՄՆ-ի գլխավոր դեսպան: Նա մի քանի տասնյակ ամերիկացիների հետ կազմակերպում ու գլխավորում էր ԱՄՆ-ի լրտեսական-դիվերսիոն կազմակերպությունների գործը: Նույն առաջադրանքներով էին աշխատում ԱՄՆ-ի Մոսկվայի հյուպատոս Սամմերսը, Վլադիվոստոկի, Տոմսկի, Թբիլիսիի, Բաթումիի, Արխանգելսկի, Չիտայի, Սամարայի և մյուս կարևոր ստրատեգիական կետերի հյուպատոսները:

Պատերազմի ժամանակ ԱՄՆ-ի ռազմական կցորդ Կերտը, Վիլյամ Ջադսոնը և ուրիշներ վխտում էին ռուսական բանակի շտաբներում և արսենալներում: Ամերիկյան կարմիր խաչի ռուսական կազմակերպությունը մի ընդարձակ ցանց էր ստեղծել ամբողջ երկրում և «սանիտարական-բարեգործական» նպատակների քողի տակ կատարում էր լրտեսական-դիվերսիոն աշխատանք: Այդ կազմակերպության ղեկավարներ գնդապետ Տոմսոնը և նրա տեղակալ Ռոբինսը ԱՄՆ-ի ամենափորձված հետախույզներից էին:

Փետրվարյան ռեվոլյուցիայից հետո ԱՄՆ-ի կառավարությունը առաջինն էր բոլոր պետությունների մեջ, որ ողջունեց իշխան Լվովին և ճանաչեց ժամանակավոր կառավարությունը, պատրաստակամություն հայտնեց «ամեն բանով օգնել» ռուսական «դեմոկրատիային» պատերազմը շարունակելու մինչև «հաղթական վախճանը»: Որպես դրա «ապացույց» պրեզիդենտ Վիլսոնն ավելացրեց Ռուսաստանում գործող միսիանների և ներկայացուցչությունների քանակը: Իսկույն Պետրոգրադ ուղարկվեց մի «տեխնիկական միսիա»՝ Պանամայի ջրանցքը կառուցող մոնոպոլիստ Ստիվինսոնի գլխավորությամբ: Ստիվինսոնը նշանակվեց ժամանակավոր կառավարության Տրանսպորտի մինիստրի խորհրդական, իսկ 12 ջոկատներից բաղկացած ինժեներները կազմեցին «Ամերիկյան երկաթուղային կորպուս», որը վերահսկողություն սահմանեց Պետրոգրադ—Մոսկվա և Սիբիր—Հեռավոր Արևելք երկաթուղիների վրա: ԱՄՆ-ի նախկին պետական քարտուղար Ռուտն անձամբ անցավ Ռուսաստան ուղարկվող «Արտակարգ դիպլոմատիկական միսիայի» գլուխը: Հետաքրքրական է միսիայի կազմը. այդ միսիայի մեջ մտնում էին նաև գեներալ Հյու Սկոտը, փոխադմիրալ Ջեմս-Գլինոնը և հարյուրավոր այլ սպաներ ու հետախույզներ: ԱՄՆ-ի պրեզիդենտ Վիլսոնը Ռուտին խոստացել էր տրամադրել 100 միլիոն դոլար ժամանակավոր կառավարությանը վարկ տալու համար:

«Արտակարգ դիպլոմատիկական միսիայի» առաջ խնդիր էր դրված՝ բոլոր անհրաժեշտ միջոցները ձեռք առնել՝ ցրելու սովետները, ոչնչացնելու բոլշևիզմը, Ռուսաստանում ամրապնդելու ԱՄՆ-ի դիրքերը: ԱՄՆ-ի դեսպան Ֆրենսիսը հուլիսյան դեպքերի ժամանակ պահանջում էր Կերենսկուց ցրել բոլշևիկյան կազմակերպությունները, ձերբակալել և սպանել Լենինին: ԱՄՆ-ի գործիչները գտնում էին, որ այդ խնդիրներն ընդունակ են կատարելու միայն Կոոնիլովը, Ալեքսեևը և Կերենսկին, ուստի նրանց էլ ցույց էր տրվում օգնությունը: Ընկեր Ստալինը 1917 թ. օգոստոսին իր «Ամերիկյան միլիարդները» վերնագրով հոգվածում բացահայտում է այն փաստը, թե ինչպես ամերիկյան

իմպերիալիստական բուրժուազիան ֆինանսավորում էր ռուսական իմպերիալիստական բուրժուազիային (Միլյուկով), ղինվորականությանը (Կերենսկի) և նրանց լաքեյաբար ծառայող մանր բուրժուական վերնախավերին (Մերեթելի)։ Ընկեր Ստալինը գրել է.

«Այն պահին, երբ ռուսական ռևոլյուցիան ուժերը լարում է իր նվաճումները պաշտպանելու համար, իսկ իմպերիալիզմն աշխատում է ոչնչացնել այն,— ամերիկյան կապիտալը միլիարդներ է մատակարարում Կերենսկու-Միլյուկովի-Մերեթելու կողմից իրեն, որպեսզի, վերջնականապես սանձահարելով ռուսական ռևոլյուցիան, չլատի Արևմուտքում աճող ռևոլյուցիոն շարժումը»։¹

Պարտիայի 6-րդ համագումարը 1917 թ. օգոստոսի 7-ին իր մի բանաձևում նշեց, որ «հրապարակի վրա հանդես է եկել իմպերիալիզմի մի նոր գիղանտ և հավանություն ունի համաշխարհային տիրապետության՝ Ամերիկյան»։² Այսպես, ուրեմն, ԱՄՆ-ը դարձել էր Եվրոպայի և Ասիայի ժանդարմը։

Հոկտեմբերյան հեղաշրջման նախօրյակին ԱՄՆ-ի գեներալները Անգլիայի, Ֆրանսիայի և մյուս երկրների իրենց կոլեգաների հետ միասին գիշեր ու ցերեկ, գաղտնի և բացահայտ, ժամանակավոր կառավարության հետ քննարկում էին ռևոլյուցիան ճնշելու հարցերը, սակայն նրանց ջանքերը զուր էին անցնում։ Ռևոլյուցիան ծավալվում էր։ Ռևոլյուցիայի ծավալման այդ օրերին ամերիկյան գործակալներն ավելի ակտիվորեն էին գործում, հանդես բերելով ամերիկյան իմպերիալիստների բացահայտ թշնամությունը դեպի Ռուսաստանի ժողովուրդները։ Ավելի որոշակի երևում էին ԱՄՆ-ի զավթողական նպատակները։

Այդ են վկայում պատմական փաստերը, այդ մասին գրել են ԱՄՆ-ի դիվանագետներն ու հետախույզներն իրենց հուշերում, ղեկուցագրերի մեջ։ Այդ զավթողական նպատակները դրսևորվել են ամերիկյան կառավարության քաղաքականության մեջ՝ դեպի Ռուսաստանը, դեպի ՍՍՌՄ-ի ժողովուրդները։

* * *

1917 թ. նոյեմբերի 3-ին, հոկտեմբերյան հեղաշրջումից ընդամենը 4 օր անաջ, Պետրոգրադում, ամերիկյան գնդապետ Տոմսոնի կաբինետում հրավիրվում է ամերիկյան ռազմական ու այլ ներկայացուցիչների և զաշնակիցների՝ անգլիական, ֆրանսիական, ճապոնական, իտալական ռազմական ներկայացուցիչների գաղտնի խորհրդակցություն։ Խորհրդակցությունը ղեկավարում է նրա նախաձեռնողը՝ գնդապետ Տոմսոնը։

Որակարգում դրված էր մեկ հարց.

«Ոչնչպես ջախջախել բոլշևիկներին»։³

Գնդապետ Տոմսոնը հայտնում է իր դժգոհությունը ռուս զաշնակիցներից և իր անգլո-ֆրանսիական կոլեգաներից, նա հանդիմանում է թե՛ մեկին և թե՛ մյուսներին այն բանի համար, որ նրանք անբավարար են օգնել Կոռնիլովին և չեն ապահովել Կոռնիլովշինայի հաղթանակը, ռազմական դիկտատուրայի ստեղծումը, չեն լիկվիդացրել Պետրոգրադում աճող ռևոլյուցիոն շարժումները։

¹ Ի. Վ. Ստալին, Երկեր, հատոր 3, էջ 270, Հայպետհրատ, 1948։

² Протоколы VI съезда РСДРП (6).

³ М. Сейерс и А. Кан, Тайная война против Советской России. М., 1947, стр. 12.

Տոմսունը հիմք ունեւ անհանգստանալու: Նա իր գործակիցներէ հետ միասին չէր կարողանում կատարել պրեզիդենտ Վուդրո Վիլսոնի տված առաջադրանքը, չէր կարողանում ապահովել ԱՄՆ-ի ծրագրերի իրագործումը, մոնոպոլիստների շահերի պահպանումն ու ընդլայնումը: Տոմսունը տեսնում էր, որ Ամերիկայի համար «Ռուսաստանը ձեռքից գնում է»: Իսկ Ռուսաստանի հետ մեծ երազանքներ էին կապված: ԱՄՆ-ի կառավարութիւնը, ամերիկյան խոշոր բանկիրները, մոնոպոլիստները ցանկանում էին Ռուսաստանը տեսնել իրենց արտահանման շուկաների և հումքի աղբյուրների շարքում, մինչդեռ Ռուսաստանում սկսված սոցիալիստական ռեւոլյուցիան հիմքից խորտակում էր ամերիկյան իմպերիալիստների բոլոր ծրագրերը:

* * *

1917 թ. հոկտեմբերի 25-ին (նոյեմբերի 7-ին) Պետրոգրադում հաղթանակով պատկվեց Հոկտեմբերյան զինված ապստամբութիւնը, որը կազմակերպել և ղեկավարում էին ռեւոլյուցիայի մեծ առաջնորդներ Լենինն ու Ստալինը:

Նույն օրը, ցերեկը, Կերենսկին փախչում է ռեւոլյուցիոն Պետրոգրադից: Սակայն, քաղաքից հեռանալուց առաջ, նա ավտոմեքենայով շտապ այցելում է ԱՄՆ-ի դեսպանութիւնը՝ Ֆրենսիսին «մնաս բարով» ասելու: Կերենսկին խոստանում է շուտով ֆրոնտից վերադառնալ զորքով և «հինգ օրում ամեն բան կարգի բերել»¹:

Նույն օրը երեկոյան ժամը 6-ին Ֆրենսիսը հեռագիր է ուղարկում Վաշինգտոն: Հեռագրում ասված է. «Ըստ երեւոյթին բոլշևիկներն այստեղ բոլորը գրավել են: Չեմ կարողանում գտնել ոչ մի միսիստր»²:

Երեկոյան բացվում է Սովետների 2-րդ համագումարը: Ստեղծվում է Սովետական կառավարութիւն: Հռչակվում են Սովետական կառավարութիւն լենինյան առաջին դեկրետները հողի և խաղաղութիւն մասին:

Այդ օրվանից բացվեց նոր դարագլուխ մարդկութիւն պատմութիւն մեջ: Սովետական կառավարութիւնը կոչերով և նոտայով դիմեց բոլոր պատերազմող պետութիւններին ու ժողովուրդներին՝ առաջարկելով սկսել հաշտութիւն բանակցութիւնները և դադարեցնել պատերազմական գործողութիւնները: Ամբողջ աշխարհը տեսավ, որ Լենինի գլխավորած Սովետական բոլորովին նոր տիպի կառավարութիւն է, բանվորների և գյուղացիների կառավարութիւն, պրոլետարիատի սոցիալիստական պետութիւն, իշխանութիւն օրգանը, նոր տիպի կառավարութիւն՝ իր նոր քաղաքականութեամբ, կապիտալիզմը խորտակելու և սոցիալիզմ կառուցելու իր նոր ծրագրերով, ժողովուրդների միջև խաղաղութիւն և համագործակցութիւն հաստատելու իր հաստատուն քաղաքականութեամբ:

ԱՄՆ-ի համաշխարհային տիրապետութիւն և Ռուսաստանի դադումացման ծրագրերը տապալվում էին. ԱՄՆ-ի իմպերիալիստները հենց այդ օրերից էլ դասակարգային ատելութեամբ և ռիսերիմ թշնամութեամբ լցվեցին դեպի նոր ծնված սովետական իշխանութիւնը, դեպի սովետական կարգը:

¹ Тайная война против Советской России, стр. 14.

² Նույն տեղում:

Հոկտեմբերյան Սոցիալիստական Մեծ ռևոլյուցիայից անմիջապես հետո ԱՄՆ-ի պետական դեպարտամենտը հրապարակեց հայտարարություն, թե նա չի ճանաչում սովետական իշխանությունը, որը, ըստ այդ հայտարարության, կխորտակվի մոտիկ օրերում: Այնուհետև պաշտոնապես տեղեկացվեց ժամանակավոր կառավարության Վաշինգտոնի դեսպան Բախմետևին, որ ԱՄՆ-ի կառավարությունը որպես Ռուսաստանի կառավարության ներկայացուցիչ ճանաչում է միայն «օրինական դեսպան Բախմետևին» (Այս փաստը շատ նման է ներկայումս Միացյալ ազգերի կազմակերպության մեջ և ԱՄՆ-ում՝ չինական գոմինդանական ռեակցիոն բանդայի ներկայացուցիչներին ճանաչելու, տեղ տալու և նրանց հետ բանակցելու փաստին):

ԱՄՆ-ի դեսպան Ֆրենսիսը ռևոլյուցիայից անմիջապես հետո ԱՄՆ-ի պետական քարտուղար Լանսինգին ուղարկած հեռագրում պնդում է, թե «եկել է ժամանակը, որպեսզի դաշնակիցները գործի անցնեն»¹ Շուտով Ռուսաստանից Ամերիկա կանչվեցին ռազմական կցորդ ղեներալ Վիլյամ Զադսոնը և Ամերիկյան կարմիր խաչի նախագահ դնդապետ Տոմսոնը՝ նոր դիրեկտիվներ և առաջադրանքներ ստանալու համար:²

1917 թ. նոյեմբերի 28-ին Փարիզում բացվեց Ամերիկայի, Անգլիայի, Ֆրանսիայի և Անտանտի մյուս դաշնակից պետությունների բարձրագույն խորհրդի կոնֆերանս, որը քննարկեց և ընդունեց միջոցառումներ՝ Սովետական Ռուսաստանի դեմ ռազմական ինտերվենցիա կազմակերպելու մասին: Կոնֆերանսի աշխատանքներին վերաբերող կոմյունիկեում ասված էր.

«Դաշնակիցները միջոցառումներ կձեռնարկեն, որպեսզի սահմանեն... իսկական վերահսկողություն ռուսական արտաքին քաղաքականության վրա: Այդ վերահսկողությունն իրականացնելու գործում գլխավոր դերը պետք է խաղան Ամերիկայի Միացյալ Նահանգները և Ճապոնիան»: (Ընդգծումները մերն են — Ար. Մն.):

Իմպերիալիստների միջազգային ավազակության «բարձրագույն» կազմակերպիչների ընդունած այդ որոշումը ինքն է խոսում իր մասին և ոչ մի կոմենտարի կարիք չի ղգում:

Ամերիկյան դեսպանները, միսիսները, գործակալները, լրտեսները անմիջապես ակտիվ գործունեություն ծավալեցին իրենց տրված առաջադրանքները կատարելու համար: Ամերիկյան, անգլիական, ֆրանսիական, ճապոնական և մյուս երկրների դեսպանները, զինվորական ներկայացուցիչները լայն կապեր են պահպանում Ռուսաստանի տարբեր մասերում գտնվող հակասովետական դիվերսիոն-լրտեսական կազմակերպությունների հետ, դրանք աստիճանաբար վեր են ածում սովետական իշխանության դեմ տեղոր և ինտերվենցիա կազմակերպող հենակետերի, նպատակ ունենալով նրանց օգնությամբ տապալել սովետական իշխանությունը:

Ամենից առաջ՝ ԱՄՆ-ի կառավարությունը մյուս դաշնակիցների հետ որոշել էր վիժեցնել Սովետական կառավարության քաղաքականությունը հաշտության հարցում: ԱՄՆ-ի ռազմական կցորդ Կերտը 1917 թ. նոյեմբերի 27-ին

¹ Իերվում է ըստ Բերյոզկինի նշված զրքի, էջ 19:

² Тайная война против Советской России, стр. 17, 19.

³ Քաղվածքը բերվում է Շտեյնի Русский вопрос на парижской мирной конференции զրքից, էջ 27:

զաղտնի բանակցություններ է վարում գլխավոր հրամանատար Դուխոնինի հետ, նրան առաջադրանք տալով ձախողել Գերմանիայի հետ հաշտություն կնքելու վերաբերյալ որոշումը և շարունակել պատերազմը Գերմանիայի դեմ: Այդ ԱՄՆ-ին հարկավոր էր մի կողմից այն նպատակով, որ Գերմանիան շարունակի պատերազմել երկու ճակատով, ուժերի մի մասը պահի Ռուսաստանի դեմ, մյուս կողմից հենց գերմանական գիշատիչների բանակի օգտագործումով ճգմի երիտասարդ սովետական ռեսպուբլիկան: Իմանալով ԱՄՆ-ի այդ նենգավոր նպատակները, Սովետական կառավարությունը վճռականապես բողոքեց օտարերկրյա դիպլոմատների կողմից Ռուսաստանի ներքին գործերին միջամտելու դեմ և կտրականապես պահանջեց թույլ չտալ ոչ մի միջամտություն սովետական երկրի ներքին գործերին:²

Բրեստի հաշտության դեմ մղվող պայքարի գլխավոր կազմակերպիչները Ամերիկայի, Անգլիայի, Ֆրանսիայի կառավարություններն էին, իսկ Տրոցկին և նրա դորձակիցները իրենց ամեն մի քայլը կատարում էին այդ իմպերիալիստական կառավարությունների հետախուզության առաջադրանքներով, հենց այդ ժամանակից հանդիսանալով նրանց լրտեսները:

ԱՄՆ-ի իմպերիալիստները սովետական իշխանության դեմ մղվող պայքարը կազմակերպում էին զաղտնի կերպով:

Պրեզիդենտ Վիլսոնը հրապարակայնորեն հանդես էր գալիս «ուրիշ երկրների գործերին չմիջամտելու» դեկլարացիաներով: ԱՄՆ-ի կառավարությունը և դաշնակիցները սովետական իշխանության տապալման իրենց ծրագիրը 1917 թ. վերջերին ուղում էին իրագործել առանց իրենց զինված ուժերը Ռուսաստան մտցնելու, ուղում էին իրագործել դիվանագիտական խարդախությունների, պատերազմի պրովակացիաներ սարքելու, տեղորի և դավադրությունների միջոցով: Թերևս այդ և շփոթեցրել որոշ պատմաբանների, որոնք պնդում են, թե «ԱՄՆ-ը առաջին շրջանում չէր մասնակցում ինտերվենցիային»: Ընկեր Ստալինը մերկացրել է իմպերիալիզմի քողարկված ինտերվենցիայի աստաղը, ցույց է տվել նրա էությունը:

Ընկեր Ստալինը մատնանշում է.

«... զորքեր մտցնելը ամենևին էլ չի կազմում ինտերվենցիայի հիմնական առանձնահատկությունը: Կապիտալիստական երկրներում ռևոլուցիոն շարժման արդի պայմաններում, երբ օտարերկրյա զորքերի ուղղակի մուտքը կարող է մի շարք բողոքներ ու կոնֆլիկտներ առաջ բերել, ինտերվենցիան ավելի ճկուն բնույթ է ավելի քողարկված ձև ունի: Արդի պայմաններում իմպերիալիզմը գերազանցում է ինտերվենցիան կատարել կախյալ երկրի ներսում քաղաքացիական պատերազմ կազմակերպելու միջոցով, կոնտրոլուցիոն ուժերին ռևոլուցիայի դեմ ֆինանսավորելու միջոցով...»³ Հենց այդպիսի ինտերվենցիա սկսեց ԱՄՆ-ը սկզբում, սակայն հետո անցավ նաև բացահայտ զինված միջամտության:

Հանսինգը 1917 թ. դեկտ. 10-ին Վուդրո Վիլսոնին պրում է. «Եթե բուլշևիկները մնան իշխանության գլուխ, մենք այլևս բացարձակապես ոչ մի բանի վրա չենք կարող հույս դնել»:⁴

¹ Տես Բերյոզկինի նշված գիրքը, էջ 20:

² Տես «Իզվեստիա» թերթը, 18 նոյեմբերի 1918 թ.:

³ Ի. Վ. Ստալին, Երկեր, հատ. 8, էջ 402, Հայպետհրատ, 1949 թ.:

⁴ А. Е. К у н и н а, Провал американских планов завоевания мирового господства в 1917—1920 гг., стр. 31, М., 1951.

Վիլսոնի հանձնարարությունները պետական քարտուղար Լանսինգը 1917 թ. վերջերին մշակեց ծրագիր՝ Ռուսաստանում սպիտակգվարդիական բանակներ ստեղծելու, նրանց ղինելու, մատակարարելու, սովետական երկրում քաղաքացիական պատերազմ և ինտերվենցիա կազմակերպելու մասին:

1917 թ. դեկտեմբերի 12-ին Վիլսոնի առաջադրանքով Լանսինգը հեռագիր ուղարկեց Լոնդոն՝ ԱՄՆ-ի դեսպանության, հանձնարարելով ձեռնարկել ամեն տեսակի օգնություն Ռուսաստանում ձևավորվող սպիտակգվարդիական բանակներին: Հեռագրում ասված էր, որ ԱՄՆ-ի կառավարությունը «համակրում է Կալեդինին և նրան ցույց կտա ամեն տեսակ օգնություն»:¹

Մոսկվայում ԱՄՆ-ի դեսպան Սամմերսը հանդիպումներ էր ունենում ցարական բանակի նախկին գլխավոր շտաբի պետ գեներալ Ալեքսեևի հետ: Ֆրենսիսը կապված էր Կալեդինի և Կոռնիլովի հետ: Վաշինգտոն ուղարկած մի հեռագրում Ֆրենսիսը դեկտեմբերի սկզբներին հաղորդել է, թե ինչպես Կալեդինը 200 հազար կազակներից բանակ է կազմակերպում և օրերս շարժվելու է դեպի Մոսկվա—Պետերբուրգ:² Կալեդինի լրտեսները Պետերբուրգում Ֆրենսիսից ցումներ էին ստանում և դործում ընդդեմ սովետների, հօգուտ Կալեդինի:

Այսպիսով, 1917 թ. սովետական իշխանության գոյությունն առաջին օրերում և շաբաթներում ԱՄՆ-ի իմպերիալիստների կառավարությունը գործի էր դրել իր և դաշնակիցների բոլոր միսիաններին, դուրսի դիպլոմատներին ու գործակալներին և աշխատում էր նրանց միջոցով կազմակերպել դավադրություններ, սովետական իշխանությունը թույլ չտալ հաստատվելու, ամրապնդվելու, ձգտում էր հասնել նրա շուտափույթ տապալմանը:

Հնկեր Ստալինը ամերիկյան, անգլիական և Անտանտի մյուս պետությունների միսիանների դավադիր գործողությունները բացահայտելով, 1917 թ. դեկտեմբերի 15-ին գրում էր. «Միսիանների դերը բավականաչափ պարզված է. զոստոսին նրանք օգնում էին Կոռնիլովին, նոյեմբերին՝ Ռազային ու Կալեդինին, դեկտեմբերին դրահապատ մեքենաներ են մատակարարում խռովարարներին»:³

1918 թ. հունվարին ԱՄՆ-ի պրեզիդենտ Վիլսոնը հրապարակ բերեց իր այսպես կոչված «14 կետերը»: Ամերիկյան միլիարդատերերի պարագլուխն իր «14 կետերը» հայտարարեց որպես «խաղաղության ծրագիր»: Եւ Վիլսոնի կողմից կեղծավորության, փարիսեցիության, ուխտադրժության և խաբբայության մի ուր, համաշխարհային ռեկորդ էր: Վիլսոնի «14 կետերի» մեջ 6-րդ կետը ամբողջովին վերաբերում էր «ռուսական հարցին»: Այդ կետի մեջ ավելի քան դրսևորվեց Վիլսոնի կեղծիքը, խաբբայությունը և Ռուսաստանն անդամահատելու, ջլատելու ամերիկյան ավազակային ծրագրերի խորամանկ դիմակավորումը:

Քանի որ «14 կետերի» մեջ հարցերը շատ մշուշապատ էին, ուստի հստակորեն ԱՄՆ-ի ծրագրերը դրսևորելու համար հարկավոր էին «կոմենտարիաներ»:

Վիլսոնի օգնական ղեկավար շաուրը մշակեց «14 կետերի» կոմենտարիաներ, որ հաստատվեց պրեզիդենտի կողմից: «Կոմենտարիաները» հանդիսա-

¹ М. Сейерс и А. Кан. Тайная война против Советской России, стр. 20—21.

² Նույն տեղում:

³ Ի. Վ. Ստալին, Երկեր, հատ. 4, էջ 24, Երևան, Պետհրատ, 1948:

ցան ԱՄՆ-ի իմպերիալիզմի ծրագրերի ու համաշխարհային տիրապետության ձգտումների ավելի պարզ շարադրանքը¹։

Այդ սև փաստաթղթում կետ առ կետ նախատեսված էր Ռուսաստանի մասնատումը, նրա մարզերի ջլատումը և հանձնումն իմպերիալիստական գաղութարարներին։ Դա ամերիկյան իմպերիալիստների լկտի մի ծրագիր էր։

Առաջին հարցը, որ բնղղծված էր «կոմենտարիաների» մեջ, այն էր, թե «Ռուսաստանի տերիտորիա» հասկացությունը իհարկե այն տերիտորիաները չեն, որ առաջ մտնում էին ռուսական կայսրության մեջ»²։ Այդ հարցը «մեկնարանվում է» այսպես, որ Հեհաստանի, Ֆինլանդիայի, Լատվիայի, Լիտվայի, Էստոնիայի, նաև Ուկրաինայի համար «ճիշտ պետք է համարել անջատումը Ռուսաստանից» և առհասարակ պետք է դիտել որպես «Ռուսական հարցի հետ կապ չունեցող հարց»։

Այսպիսով ԱՄՆ-ի կառավարությունը որոշել էր Մերձբալթիկան և Ուկրաինան անջատել Ռուսաստանից։ Այս փաստերից ստացվում է, որ զերմանական ֆաշիզմի պարագլուխ Ադոլֆ Հիտլերը Ուկրաինայի և Մերձբալթիկայի Ռուսաստանից անջատման ծրագիրը ոչ թե առաջին անգամ ինքն էր հնտրել, այլ փոխ էր վերցրել ամերիկյան պրեզիդենտ Վուդրո Վիլսոնից։

Ոչ պակաս լկտի էր Վիլսոնի ծրագիրը Կովկասի և Հայաստանի մասին։ «Կոմենտարիաներում» ուղղակի ասված է. «Կովկասն, ըստ երևույթին, պետք է դիտել որպես թյուրքական իմպերիայի պրոբլեմի մի մասը»³։ Այսպես, ուրեմն, ամերիկյան իմպերիալիստական կառավարությունն առաջարկում էր Կովկասի ժողովուրդների բախտը թողնել թյուրքական դահիճների քմահաճույքին։

Ինչ վերաբերում է Միջին Ասիայի ժողովուրդներին, այդ մասին «կոմենտարիաները» նախատեսում էին. «Որևէ պետության տրամադրել սահմանափակ մանդատ, պրոտեկտորատի հիման վրա կառավարելու»⁴։ Վիլսոնը չէր մտադրել հատուկ տեղ հատկացնել Սիրիին և Հեռավոր Արևելյան մարզերին։ Այդ մասին «կոմենտարիան» սահմանում է. «Ուղերձով դիմել խաղաղության կոնֆերանսին, առաջարկել ստեղծել մի այնպիսի կառավարություն, որը բավականաչափ ներկայացուցչական լինի և հանդես գա այդ տերիտորիաների անունից»⁵։

Այդ «որևէ պետությունն» իհարկե հանդիսանում էր ԱՄՆ-ը, բանի որ, ինչպես նշվեց վերևում, դեռևս 1917 թ. դեկտեմբերի 28-ի որոշմամբ զաշնակիցների բարձրագույն խորհուրդը Սիրիի և Հեռավոր Արևելքի օկուպացիան գործում «զլխավոր դերը» վերապահել էր ԱՄՆ-ին և Ճապոնիային։

Եվ վերջապես «կոմենտարիաների» մեջ կար նաև մի բացահայտ լկտի կետ, որտեղ ասված էր. «... խաղաղության կոնֆերանսի առջև դրված կլինի մի մարտը (չգրված) թերթ թուղթ, որի վրա կարելի կլինի «բաղարականություն գծել» նախկին ռուսական միապետության բոլոր ժողովուրդների համար»⁶։

Այսպիսով, չնայած այն բանին, որ Վիլսոնը հրապարակայնորեն հանդես էր գալիս Ռուսաստանի և ռուս ժողովրդի նկատմամբ ռբարի ցանկությունների

¹ Տես Архив полковника Хауза, Гослитиздат, 1944, 4-ый том.

² Նույն տեղում, հատոր 1, էջ 151։

³ Նույն տեղում, էջ 152։

⁴ Նույն տեղում, էջ 153։

⁵ Նույն տեղում, էջ 152։

⁶ Նույն տեղում, էջ 153։

րով» և «խաղաղասիրական» հայտարարություններով, նրա ներքին գործերին «շմիջամտելու» կոչներով և այլն, իրականում նա հանդիսանում էր Ռուսաստանը մոս-մաս անելու, նախկին ցարական Ռուսաստանի տիրապետության մեջ մտնող տարրեր ժողովուրդներին Սովետական Ռուսաստանից անջատելու, նրանց ամերիկյան իմպերիալիզմից զաղութային կախման մեջ դցելու ավագա-կային պլանների գլխավոր նախաձեռնողն ու մշակողը:

Վ. Ի. Լենինը դիմակազերծ անելով Վիլսոնին, նրան համարում էր «Ամե-րիկյան միլիարդատերերի պարագլուխը և կապիտալիստական դայների սպա-սարկուն»:

Հոկտեմբերյան ռևոլյուցիայի հաղթական արշավը և նրա տարածումը Ռու-սաստանի ծայրամասերը՝ ձախողեցին համաշխարհային իմպերիալիզմի աչդ ձրագրերը: Ռուսաստանի բանվոր դասակարգը կոմունիստական պարտիայի գլխավորությամբ հերոսական մարտերում պաշտպանեց Հոկտեմբերյան ռե-վոլյուցիայի նվաճումներն ամերիկյան իմպերիալիզմի դավերից:

* * *

Դիվանագիտական խարդախությունները, սպիտակ զենքերակներին զենքով և զրամով օգնություն ցույց տալը, Բրեստի հաշտությունը ձախողելու բոլոր փորձերը անկարող եղան տապալելու սովետական իշխանությունը և ջլատելու մեր Հայրենիքը: Սովետական իշխանությունն օրեցօր ամրապնդվում էր: Հազարավոր բանվորներ ու զուգացիներ նետվում էին անձնագոհ կովի և պաշտպանում Հոկտեմբերի նվաճումները:

Լեյդ բոլորից կատաղած Վիլսոնն իր ելույթներից մեկում ուղղակի խնդիր դրեց.

«Դաշնակից պետություններն այլևս մտադիր չեն բոլշևիզմի նկատմամբ պատիվ տակտիկա վարելու: Նրա մեջ (բոլշևիզմի) նրանք (ԱՄՆ-ը և դաշնա-կիցները) տեսնում են միակ թշնամուն, որի դեմ պետք է ոտքի ելնել: Ռուսա-կան պետությունը մի քանի կողմերից բաց է դաշնակիցների դորքերի համար, եթե նրանք ցանկանում են ներխուժել»:² Վիլսոնի խոսքերն ուղղված էին իր անդր-Ֆրանսիական դաշնակիցներին:

Ինտերվենտների բանակներն սպասում էին Կլեմանսոյի և Չերչիլի ադ-յանշանին: Չերչիլի խոստովանությամբ 1917 թ. դեկտեմբերի 31-ին ԱՄՆ-ը, Անգլիան, Ֆրանսիան և Անտանտի մյուս պետությունները վերջնականապես պայմանավորվեցին «միացյալ ուժերով Սովետական Ռուսաստանի դեմ զին-ված ինտերվենցիայի դուրս գալը»:³

Այսպիսով, Սովետական Ռուսաստանի դեմ 1918 թ. ձևակերպված ինտեր-վենցիայի կազմակերպման գործում ԱՄՆ-ի իմպերիալիստները խաղում էին ակտիվ դեր, հանդես էին գալիս որպես ողենշողներ:

Ահա այսպես «1918 թվականի առաջին կեսին կազմվեցին երկու որոշակի ուժեր, որոնք պատրաստ էին դիմելու Սովետական իշխանության տապալմա-նը — Անտանտի օտարերկրյա իմպերիալիստները և կոնտրռեվոլյուցիան՝ Ռու-սաստանի ներսում»:⁴

¹ Վ. Ի. Լենին, Հատոր 28, 4-րդ հր., էջ 69:

² Леонтьев, Империализм доллара, էջ 29:

³ У. Черчилль, Мировой кризис (ռուսերեն թարգմանություն), 1932, էջ 30:

⁴ Համկ (բ)Պ պատմություն, համառոտ դասընթաց, էջ 309, Երևան, Պետհրատ, 1947:

* * *

1918 թ. մարտի 2-ին Մուրմանսկի սովետի նախագահ տրոցկիստ Յուրյև-վր հակառակ Լենինի և Ստալինի կարգադրության, Տրոցկու ցուցումով հա-մաձայնության գալով ամերիկյան և անգլո-ֆրանսիական զինվորական և դի-վանագիտական ներկայացուցիչների հետ, երկրամասի ղեկավարությունը կա-մովին հանձնեց նրանց:¹ Անտանտի իմպերիալիստների զորքերը ներխուժեցին Մուրմանսկ: Մայիսի 24-ին Մուրմանսկ ժամանեց ամերիկյան «Օլիմպիա» հաճանավը առաջին կարգի կապիտան Բերերի հրամանատարությամբ: Անդ-լիական զենքերով Պոզենին ենթակա զորքերի մեջ կային անգլիացիներ, ֆրան-սիացիներ, իտալացիներ, սպիտակգվարդիականներ և ամերիկացիներ: Մի-այն ամերիկյան զորքերի քանակն այդ շրջանում հասավ ավելի քան 5000 զինվորի և սպայի: Ապրիլի 7-ին Մուրմանսկ ժամանեց ամերիկյան զենքերով Ռիչարդսոնը, որը հանդիսանում էր «Հյուսիսային Ռուսաստանում ամերիկյան զորքերի գլխավոր հրամանատարը»:² Նրա հետ միասին էր գործում նաև ադմի-րալ Մակ-Լելլին, որը դաշնակիցների ռազմա-ծովային ուժերի բոլոր հրամա-նատարների ավագն էր: Ամերիկացիներն ու դաշնակիցները գրավեցին նաև Արխանգելսկը և մարզի տասնյակ քաղաքներ ու գյուղեր: Օկուպացիոն քաղա-քականությունն իրագործելու համար ստեղծվեց արտակարգ դատարան ԱՄՆ-ի, Անգլիայի և Ֆրանսիայի ներկայացուցիչներից: Սովետական օրգան-ներին ցրում էին: Բոլշևիկյան կազմակերպությունները կա՛մ ցրվում էին, կա՛մ անցնում խոր ընդհատակ: Ամերիկացիների և դաշնակիցների գլխավորու-թյամբ 1918 թ. օգոստոսի 2-ին ստեղծվեց այսպես կոչված «Հյուսիսային կա-ռավարություն», որի ղեկավար նշանակվեց սպիտակգվարդիական ավանտյու-րիստ Չայկովսկին: Ամերիկյան սպաներն ու զինվորները անասելի տեղերի, սպանությունների ու կախաղանների արյունոտ կարգեր էին հաստատել գրա-ված շրջաններում՝ սովետական մարդկանց նկատմամբ: Ամերիկյան զորքերը տեղերի և բռնությունների քաղաքականությամբ ուղղում էին ճանապարհ հար-թել և շարժվել մինչև Պետրոգրադ, գրավել այն:

Այդ նույն ժամանակ ԱՄՆ-ի կառավարությունը զինված ուժեր ուղարկեց Հեռավոր Արևելք: Պետական ղեկարարամենտը ԱՄՆ-ի Սիբիրյան էքսպեդի-ցիայի պետ նշանակեց զենքերով Գրեսին: 1918 թ. օգոստոսի 16-ին 9000 ամե-րիկյան զինվորներ գեներալ Գրեսի հրամանատարությամբ ներխուժեցին Վլա-դիվոստոկ: Ծովից նրանց աջակցում էր ամերիկյան ռազմածովային էսկադ-րան՝ ադմիրալ Նախի հրամանատարությամբ: Հեռավոր Արևելքում ամերի-կյան իմպերիալիզմի զավթողական քաղաքականությունը հրով ու սրով անց էին կացնում զենքերով Գրեսը, ադմիրալ Նախը, որոնց ղեկավարում ու տոն էր տալիս Ճապոնիայում ԱՄՆ-ի գլխավոր ղեսպան Մորիսը:

Ամերիկյան իմպերիալիզմի այդ գործակալները օգնում էին Կոլչակին՝ Սիբիրում ռազմական դիկտատուրա հաստատելու համար:

Ինչպես շխոտսովակյան խռովարարների պետ գեներալ Գայդան, այնպես էլ էսենական հակառուսացիոն ղավադրությունների ղեկավարներն իրենց յու-

¹ Документы по истории гражданской войны в СССР, том I, Огиз, 1940 г. стр. 190—191, 192.

² Интервенция на севере в документах, էջ 72:

րաքանչյուր գործողությունը համաձայնեցնում էին Անտանտի ինտերվենցիոն զորքերի հրամանատարության հետ և գործում էին նրա հրահանգներով¹։

Միբիրում և Հեռավոր Արևելքում ճապոնական զորքերի թիվը հասցվեց տասնյակ հազարների, սակայն ամերիկյան կառավարությունն աշխատում էր ճապոնական զինվորների ձեռքերով կրակից շագանակներ հանել ԱՄՆ-ի դուրսի արքաների համար։ Այդ բանը շուտով զգացին նաև ճապոնացիները և հակասությունն ու զգվոտոցը ճապոնական ու ամերիկյան իմպերիալիստների միջև ավելի բորբոքվեց։

Այդ հակասություններն ավելի ուժեղացան մանավանդ այն բանից հետո, երբ սովետական բանակները, հակահարձակման անցնելով, ծանր պարտության մատնեցին Կոլչակին և ինտերվենտներին։

Ճապոնիայում ԱՄՆ-ի գլխավոր դեսպան Մորիսը՝ ելնելով ստեղծված ծանր դրությունից, կապվեց Կոլչակի հետ և բանակցություններ վարեց՝ հաշվի առնելով նրան անհրաժեշտ օգնություն ցույց տալու շափը։ Մորիսը ամերիկյան կառավարությանն ուղարկած հեռագրում նշում էր, որ 1) ԱՄՆ-ի կառավարությունը պետք է ճանաչի Կոլչակի կառավարությունը, 2) ԱՄՆ-ը պետք է լրացուցիչ 25.000 ամերիկյան զորք ուղարկի Հեռավոր Արևելք՝ Միբիրի կոմունիկացիաներում կռվելու, 3) Կոլչակին պետք է տրվի վարկ ինչքան որ հարկավոր է, որի հաշվին կարելի է բաց թողնել զենք, ռազմամթերք, հանդերձանք²։

Մորիսը ԱՄՆ-ի կառավարությանն ուղարկած մի ուրիշ հեռագրում պնդում է. «Եթե ԱՄՆ-ի քաղաքականության մեջ չմտցվեն այդ բոլոր պայմանները, այն դեպքում մենք ստիպված կլինենք հրաժարվել Արևելյան Միբիրից հօգուտ ճապոնացիների»³։

ԱՄՆ-ի կառավարությունը 1918 թ. վերջերին հաճույքով ընդունեց Գրեսի, Մորիսի և Նաիտի առաջարկները՝ Կոլչակին զենքով, զինամթերքով, հանդերձանքով և դրամով օգնություն ցույց տալու մասին, որպես «Խուսապտանի գերագույն կառավարողի»։ ԱՄՆ-ի Սպիտակ տունն անմիջապես ճանաչեց Կոլչակի «կառավարությունը»։ ԱՄՆ-ը հանդես եկավ Կոլչակին ակտիվ աջակցողի դերում։

ԱՄՆ-ի կառավարությունը շուտով հրապարակայնորեն պատրաստակամություն հայտնեց 15 միլիոն դոլարի արժեքով զենք ու զինամթերք բաց թողնել Կոլչակին՝ վարկի հաշվին⁴։

ԱՄՆ-ում Կոլչակի գործակալ Բախմետևի հեռագրերի համաձայն ԱՄՆ-ից Խուսապտան, Հեռավոր Արևելքով Կոլչակին ուղարկվել է 100.000 հրացան 2.502.748 փամփուշտով, միաժամանակ հիշատակված է թե «միանգամայն հնարավոր է 500 միլիոն փամփուշտի պատվիրումը և ստացումը»⁵։

Ցարական մինիստր Սազոնովը Փարիզում բանակցություններ վարելով ԱՄՆ-ի ներկայացուցիչների հետ, գնումներ էր կատարում Կոլչակի բանակի

¹ Բենեշը 1948 թ. հրապարակված իր «Մեմուարների» մեջ խոստովանվել է գե. ռ. 1918 թ. չեխական ռեակցիոներների կապերն Անտանտի հետ։ Տե՛ս «Вопросы истории» № 10, 1951 թ., էջ 24։

² Մորիսի հեռագիրը տես Բերյովկինի գրքում, էջ 100։

³ Նույն տեղում։

⁴ Նույն տեղում, էջ 101։

⁵ Նույն տեղում, էջ 102։

համար: Այսպես, Սաղոնովը Կոլչակին ուղարկած զեկուցագրում հաղորդել է, թե հնարավոր է ձեռք բերել ամերիկյան 5 միլիոն դոլարի արժեքով մի քանի տեսակի տանկեր, ավտոմոբիլներ և այլն:

Այդ գործն իր վրա է վերցնում ամերիկյան առևտրական պալատը:

Բախմետևը Ամերիկայից ուղարկած մի հեռագրում Կոլչակին հաղորդում է այն մասին, թե «ամերիկյան կառավարությունը բաց է թողնում մեծ պարտիա գնդացիները»:¹

Այսպիսով, ինչպես Ռուսաստանի հյուսիսում, նույնպես և Հեռավոր Արևելքում ու Սիբիրում ԱՄՆ-ի գինված ուժերի շտաբները և ամերիկյան բանակի զեներալներն ու ադմիրալները դավադրություններ էին կազմակերպում և իրա-կունացնում Անգլիայի, Ֆրանսիայի, Ճապոնիայի և Անտանտի մյուս պետու-թյունների ներկայացուցիչների հետ միասին:

Չնայած Կոլչակի և ամերիկյան, անգլիական ու ճապոնական իմպերիա-լիստների կոմբինացված գործողություններին, Սովետական Բանակը 1918—1919 թթ. հերոսական մարտերում չախչախեց Սիբիր ներխուժած սպիտակ-դավարիական բանդաներին և ԱՄՆ-ի ու Ճապոնիայի օկուպացիոն զորքե-րին: ԱՄՆ-ի, նրա դաշնակիցների և սպիտակգվարդիական գործակալների ծրագրերը արևելքում չարաչար պարտություն մատնվեցին:

* * *

Այժմ տեսնենք թե ինչ էր կատարվում Արևմուտքում:

ԱՄՆ-ի կառավարությունը զինված ուժերի հետ միասին Ռուսաստան էր ուղարկել բազմաթիվ զինվորական մասնազետներ, առևտրականներ, մոնո-պոլիստներ, արդյունաբերող գաղութարարներ, լրտեսներ, զիվերսանտներ: Ին-տերվենտներին օգնություն ցույց տալու համար ամերիկյան կառավարությունն ստեղծեց հատուկ կազմակերպություն, որը կոչվում էր «Օգնության ամերիկյան ադմինիստրացիա» (ԱՐԱ), որը գործում էր Արևմտյան շրջաններում:

Այդ կազմակերպության գլուխը կանգնած էր մոլի իմպերիալիստ Հուվերը: Կազմակերպությունը շուտով ֆիլիալներ ստեղծեց Մերձբալթյան երկրներում, Հեհաստանում, Ֆինլանդիայում, Բալկանյան երկրներում և եվրոպական մյուս պետություններում:

Հուվերը 1919 թ. գարնանը պահանջում էր Յուգենիչից հարձակվել Պետ-րոգրադի վրա, խոստանալով նրան ցույց տալ ամեն տեսակի օգնություն: 1919 թ. հունիսի 15-ին սպիտակգվարդիական զեներալների լազերը հասավ ամերիկյան մթերքների տրանսպորտը: Պետրոգրադի վրա Յուգենիչի 1919 թ. մայիս-հունիսի արշավի նախօրյակին Ամերիկյան Յուգենիչին հասցրեց 18.471 տոննա ալյուր, 1.501 տոննա բեկոն, 834 տոննա լյարդ, 1.548 տոննա խտաց-րած կաթ և շատ ուրիշ մթերքներ:² Այդ մթերքները բավական չէին: Յուգենիչին հարկավոր էր բենզին: ԱՄՆ-ի ներկայացուցիչ Հուվերին ուղարկած հեռագրում Յուգենիչը գանգատվում էր, թե բրիտանական տանկերը և զրահամեքենաներն ստացվել են առանց բենզինի: «Ի՞նչ ամերիկյան կառավարությունը տրամադրի նաև բենզին և հնարավորություն տա գործի դնելու այդ զրահապատ մեքենա-ները,— գրում է Յուգենիչը Հուվերին,— ապա. «հնարավոր կլինի վրավել Պետ-րոգրադը»:

Հուվերը նույն օրը հաղորդում է Յուգենիչին, թե ուղարկվում է 50

¹ Մորիսի հեռագիրը տես Բերյոզկինի գրքում:

² Նույն տեղում:

հաղար բալոն բենդին և խնդրում է «իրեն միշտ տեղյակ պահել ֆրոնտի ուժերի դրություն մասին»¹

Հերբերտ Հուվերը և Ուինստոն Չերչիլը միասին գործելով, 1919 թ. օգոստոսին կազմակերպեցին հեղաշրջում և ձևավորեցին այսպես կոչված «Հյուսիս արևմտյան կառավարություն» Պսկովի, Նովոգորոդի և Պետրոգրադի մարզերի համար: Պրեմիեր մինիստր Նշանակվեց Լիանոզովը, իսկ ռազմական մինիստր՝ գեներալ Յուդենիչը: Հակառակույցից կառավարություններ ձևավորվեցին նաև Մերձբալթիկայում, Լեհաստանում, Ֆինլանդիայում: Ֆիննական կառավարության գլուխ կանգնեց սովետական ժողովրդի ռիսերիմ թշնամի Մաններհեյմը, իսկ Լեհաստանում՝ ֆաշիստ Պիլսուդսկին: ԱՄՆ-ը լեհական պաներին բաց թողեց 1,7 միլիարդ դոլարի արժեքով զենք, զինամթերք, հանդերձանք, դրանց թվում տանկեր, ինքնաթիռներ, գնդացիներ²: ԱՄՆ-ը ակտիվ օգնություն էր կազմակերպում այդ բուրժուական հակառակույցից բոլոր ուժերին: ԱՄՆ-ը այդ «կառավարություններին» դնելով իրենից ֆինանսական, պարենային և ռիսկոյրական կախման մեջ, կազմակերպում էր նրանց հակառակույցից դինված ուժերը և պատերազմի դուրս բերում Սովետական Ռուսաստանի դեմ:

1919 թ. Հուվերը ԱՄՆ-ի կառավարության հանձնարարությամբ սկսեց զենք, զինամթերք, հանդերձանք և պարենեղեն բաց թողնել ֆիննական, լեհական, էստոնական, լատվիական, լիտվական և մյուս սպիտակգվարդիականներին: Մայիսի 12-ին «Դեսի» շոգենավով 2000 տոննա զանազան սննդանյութեր փոխադրվեց էստոնիա որպես «վարկ», պահանջելով, որ էստոնական զորամասերը գրոհի գնան Պետրոգրադի վրա:

Վերջորոգում ԱՄՆ-ի հյուպատոս Իմբերը այդ օրերին գրել է.

«Սպիտակգվարդիականներն այժմ Ամերիկային նայում են որպես իրենց միակ բարեկամի»:

Այդ միակ բարեկամն էլ չկարողացավ գլուխ բերել Յուդենիչի և սպիտակգվարդիական մյուս ատամանների հակառակույցից ծրագիրը: Պետրոգրադի հերոս պաշտպանները Ի. Վ. Ստալինի գլխավորությամբ ձախողեցին և չախջախեցին Ամերիկայի և նրա դաշնակիցների ու գործակալների ագրեսիվ պլանները:



Նույնպիսի շարաշար պարտության մատնվեցին և տապալվեցին ԱՄՆ-ի դադուլթային ծրագրերն ու ինտերվենցիոնիստական քաղաքականությունը Հարավում:

Ինչպես Հյուսիսում, Արևելքում և Հյուսիս-Արևմտյան մարզերում, նաև Մեկրասիայում, Դրիմում, Հյուսիսային Կովկասում և Անդրկովկասում իմպերիալիստական պետությունները օգնում էին տեղական սպիտակգվարդիական ուժերին և բուրժուա-նացիոնալիստական պարտիաներին՝ ձևավորելու բուրժուական գաճաճ կառավարություններ, այդ երկրներն անջատելով Ռուսաստանից, դարձնելով օտարերկրյա այս կամ այն իմպերիալիստական պետության

¹ Նամակի քաղվածքը տես Բերյոզկինի զրբում:

² В. Воробьев, «Товарищ Сталин—организатор побед на фронтах гражданской войны», стр. 28—29. Москва, 1949.

վոտչինան, որի վրա հենվելով, շարունակվում էր պատերազմը Սովետական Ռուսաստանի դեմ:

Այսպես՝ Դենիկինը նշանակվեց Ռուսաստանի «Հարավի գերագույն կառավարիչ»: ԱՄՆ-ից, Ֆրանսիայից և Անգլիայից ստացված զենք, լինամթերք ու հանգերձանք տրամադրվեց Դենիկինի սպիտակգվարդիական «կամավորական բանակին»: Այդ գործը կազմակերպելու համար ԱՄՆ-ը Հարավային երկրներն ուղարկեց իր զինվորական կազմակերպիչներին: Այսպես, օրինակ՝ 1919 թ. փետրվարին ԱՄՆ-ի ռազմական մեծ միսիան փոխգնդապետ Ռիգսոմի գլխավորությամբ ժամանեց Օդեսա, նրա անդամները մեկնեցին Բեսարաբիա, Ղրիմ, Ուկրաինա, Մերձդոնյան շրջանները և Կովկաս: Ամերիկյան նախկին զինվորական կցորդ Ռիգսոմը Դենիկինի շտաբին կից խորհրդականի դերում էր հանդես գալիս և ամեն տեսակի ամերիկյան օգնությունն էր ցույց տալիս Դենիկինի բանակին դեպի Մոսկվա շարժվելու համար:

1918 թվականի մայիսին ձևավորվեցին Անդրկովկասի բուրժուա-նացիոնալիստական հակաժողովրդական կառավարությունները — մենշևիկյան կառավարությունը՝ Վրաստանում, դաշնակցականներինը՝ Հայաստանում և մուսավաթականներինը՝ Ադրբեջանում: Ադրբեջանում մուսավաթական կառավարությունը գտնվում էր Գյանջայում, իսկ Բաքվում դեռևս 1918 թ. գարնանից ստեղծվել էր Սովետական իշխանություն՝ Բաքվի կոմունան Ստ. Շահումյանի գլխավորությամբ: Բաքուն հանդիսանում էր Անդրկովկասում սովետական իշխանության համար մղվող պայքարի կենտրոնը: Անդրկովկասի բոլոր աշխատավորները կոմունիստական պարտիայի ղեկավարությամբ պայքարի դրոշմին բարձրացրել և ընթանում էին ռուս մեծ ժողովրդի հետ բարեկամության ուղիով, սովետական իշխանություն հաստատելու ուղիով:

1917 թվականի դեկտեմբերի 29-ին Սովետական կառավարությունը դեկրետ հրատարակեց, որով լենինը և Ստալինը հռչակեցին Արևմտյան Հայաստանում բնակվող հայ ժողովրդի ինքնորոշման և անկախության հանաչումը¹: Հոկտեմբերյան ռևոլյուցիայի պատմական դեկրետները հաշտության, հողի և ուրիշ հարցերի մասին, ցույց էին տալիս բոլոր ժողովուրդների ազատագրման ճիշտ ուղին: Ոգեշնչված այդ պատմական դեկրետներով, Հայաստանի շատ գյուղերում ու քաղաքներում աշխատավորները բռնկեցին կազմակերպությունների ղեկավարությամբ պայքարի դուրս եկան սովետական կարգերի համար:

Այսպես եղավ, օրինակ, Սարիղամիշում, Ղարսում, Ալեքսանդրապոլում, Հախպատում, Զալալօղլիում և այլն: Հայ ժողովուրդը ռզևորվելով լենինյան-ստալինյան դեկրետով, պատրաստվում էր հավաքվել աշխարհի բոլոր ծայրերից, վերախմբավորվել իր պատմական հողերի վրա, կազմել սովետական տղամասնակցական զորքեր: Հայաստանի և Անդրկովկասի աշխատավորների ամբողջ համակրանքը Սովետական Ռուսաստանի կողմն էր, ռուս ժողովրդի հետ միասնության մեջ էին տեսնում իրենց ազատությունը Անդրկովկասի բազմազգ բնակիչներն ու գյուղացիները:

ԱՄՆ-ի և մյուս իմպերիալիստական կառավարությունները հաշվի էին առնում այդ հանգամանքը և ոչ մի միջոցի առաջ կանգ չէին առնում Անդրկովկասում աճող ռևոլյուցիոն շարժումները ճնշելու, այնտեղ Անտանտի միլիտարիստ-

¹ Ленин—Сталин, Избранные произведения 1917 года, стр. 558, Москва, 1938.

ների տիրապետություն հաստատելու համար, հայ ժողովրդի վերամիավորման, անկախ պետություն ստեղծելու, սովետական ազատ կյանք կառուցելու պատմական մեծ գործը տապալելու համար:

Անտանտի և անգլո-թյուրքական ինտերվենտների հետ ստոր գործարքի մեջ մտան Անդրկովկասի ժողովուրդների ոխերիմ թշնամիներ դաշնակները, մենշևիկները և մուսավաթականները, Հայաստանը, Վրաստանը և Ադրբեջանը օտարերկրյա զավթիչներին վաճառելու համար:

Համաշխարհային իմպերիալիզմի պարագլուխներ Վիլսոնը, Կլեմանսոն և Լոյդ Ջորջը ակտիվորեն քննարկում էին Անդրկովկասի օկուպացման և գաղութացման հարցը, ժողովրդի ազատագրական պայքարն արյան մեջ խեղդելու հարցերը: Ամերիկյան գաղութարարներից մեկը, Ջեյմս Ջորջ Գուլիսի 6-ին «Նյու-Յորք Թայմզ» թերթում տպված հոդվածի մեջ նկարագրել է Հայաստանի բնական հարստությունները և հումքի բազան:¹ Ամերիկյան ղեկավար Ջորջ Մոսլին գրել է, թե «ԱՄՆ-ը պետք է լիակատար իշխի այն բոլոր տերիտորիաների վրա, որտեղ հայեր են ապրում...»²

1919 թ. հունիսի 28-ին Վիլսոնը, Լոյդ Ջորջը և Կլեմանսոն համաձայնվում են Հայաստանը ճանաչել որպես ամերիկյան պրոտեկտորատ, Հայաստանի մանդատը տալ ԱՄՆ-ին: Ամերիկային տրվեց նաև Կոստանդնուպոլիսը, Բոսֆորը, Դարդանելը և Մարմարայի ծովը:³

Հունիսի 27-ին Հերբերտ Հուվերը նամակով դիմել էր Վիլսոնին առաջարկելով գնդապետ Հասկելին նշանակել դաշնակիցների գերագույն կոմիսար Հայաստանում: Այդ առաջարկը պաշտպանում էր նաև Մորգենթաուն: Վիլսոնը, սակայն, գտնում էր, որ պետք է մի քայլ ևս առաջ գնալ — Հասկելին նշանակել ոչ միայն գերագույն կոմիսար Հայաստանում, այլև նրան համարել դաշնակիցների գերագույն կոմիսար ամբողջ Անդրկովկասում, Թյուրքիայում և Սև ծովի մերձափնյա շրջաններում, որ դաշնակից մյուս պետությունների օկուպացիոն իշխանության բոլոր օրգանները և զինվորական ներկայացուցիչները պետք է ենթարկվեն Հասկելին: Վիլսոնն, այսպիսով, ուզում էր, որ հենց նա, ամերիկյան զինված ուժերի շտաբի ներկայացուցիչը լինի գլխավոր պետը, իրականացնի այդ շրջանների օկուպացիան, ինչպես անհրաժեշտ էր ամերիկյան իմպերիալիստներին, ինչին ձգտում էին խոշոր մոնոպոլիստները:

1919 թ. հունիսի 5-ին դաշնակիցների «10-ի խորհուրդը» որոշեց գնդապետ Հասկելին նշանակել «գերագույն կոմիսար Հայաստանում»: Նույն որոշման մեջ սահմանված էր, որ ԱՄՆ-ի, Մեծ Բրիտանիայի, Ֆրանսիայի և Իտալիայի բոլոր ներկայացուցիչները Հայաստանում, Վրաստանում, Ադրբեջանում ու Կոստանդնուպոլսում ամերիկյան գնդապետ Հասկելից պետք է ստանան հրահանգներ, իրենց գործողությունների ընթացքում համագործակցեն նրա հետ և բոլոր հարցերում ենթարկվեն նրան:⁴

¹ Այդ հոդվածից բաղկացած էր Ա. Կունինայի *Провал америкавских планов завоевания мирового господства в 1917—1920 гг.* գիրքը, էջ 89:

² Նույն տեղում, էջ 89—90:

³ Ե. Մեյն, *Русский вопрос на парижской мирной конференции 1919—1920 гг.*, стр. 338—339.

⁴ Նույն տեղում, էջ 311:

⁵ Նույն տեղում:

Հասկելը հատուկ էքսպեդիցիայով ժամանեց Հայաստան: Նա իր հետ ուներ բավականաչափ լրտեսներ, ոստիկաններ, օկուպացիոն քաղաքականությունն իրականացնող փորձված գաղութարարներ, որոնք կեղծավոր ճառերով ու «բարեգործական» նենգ պրիմներով իրականում հայ ժողովրդի համար լերել էին ԱՄՆ-ի ստրկատերերի լուծը: Դաշնակները ստորաքարշ քծնանքով շողոքորթում էին իրենց ամերիկյան տերերին, նրանց օգնությամբ տեղորի էին ենթարկում ժողովրդին:

Երկրում ծանր վիճակ էր տիրում: Սովն ու տիֆը հնձում էին աշխատավոր բնակչությանը: Անդրկովկասի ժողովուրդները զայրացած էին սպիտակգլար-դիական «կառավարությունների» և նրանց գործակալների դեմ:

Բաքվում սովետական իշխանությունը տապալելով և 26 կոմիսարներին անգլո-ամերիկյան դահիճների ու նրանց գործակալների ձեռքով գնդակահարելով, իմպերիալիստները չկարողացան և չէին կարող կանխել ռևոլուցիայի վերելքը: Անդրկովկասի բոլշևիկյան կազմակերպություններն ավելի ու ավելի շատ բանվորներ ու գյուղացիներ էին համախմբում և պատրաստում էին նրանց ռևոլուցիոն ելույթի՝ Սովետական Ռուսաստանի օգնությամբ Անդրկովկասի բուրժուազիային տապալելու, սովետական կարգեր հաստատելու համար, Սովետական Ռուսաստանի հետ համագործակցելու համար:

Հասկելն այդ ամենը լավ էր զգում: Օգոստոսի 29-ին Փարիզի կոնֆերանսում Կլեմանսոն ընթերցեց Հասկելից ստացված մի հեռագիր: Գնդապետ Հասկելը գրում էր, թե ինքն «ուսումնասիրել է» դրությունը Հայաստանում. «... հարկավոր է օգնություն. շտապ զորք ուղարկել: Ի՞նչ հնարավոր է, ցանկալի կլինե՞ր ուղարկել հեծելազոր: Միայն զորքի ուղարկումը կարող է փրկել դրությունը»:

Այնուհետև Վիլսոնը, Կլեմանսոն և Լյուդ Ջորջը «մեծահոգություն» և «առատաձեռնություն» հանդես բերելով, առաջարկում են՝ իրենց երկրի զինված ուժերից ավելի շատ զորք ուղարկել Հասկելի էքսպեդիցիային,² մանդատով ԱՄՆ-ին տրված երկրներն օկուպացնելու համար:

Լենինը բացատրելով իմպերիալիստների այդ «մանդատի» էությունը, գրել է.

«Եվ երբ խոսում են գաղութների վրա մանդատներ բաժանելու մասին, մենք հիանալի կերպով գիտենք, որ դա մանդատների բաժանում է կողոպուտի, թալանի համար, որ դա երկրագնդի բնակչության շնչին փոքրամասնությանը իրավունք տրամադրել է՝ շահագործելու երկրագնդի բնակչության մեծամասնությանը»:

Եվ իսկապես, դուարի արքաները հավաքվում և մանդատ էին բաժանում թե ով ո՞ր երկրի տերը պետք է դառնա: Եվ հայ ժողովրդի գլխին կախվել էր ամերիկյան մանդատով բերվող ստրկացման ահավոր սպառնալիքը: Ամերիկյան սատրապների ռճրագործություններին չափ ու սահման չկար:

Ամերիկյան իմպերիալիզմը հանդես էր դալիս մեր երկրի ժողովուրդներին ստրկացնողի, կողոպուտողի ու թալանողի դերում: Կարելի է բերել մի քանի փաստեր, ԱՄՆ-ի մանդատով «հովանավորված» Հայաստանից, որտեղ աճում էր

¹ Б. П т е й н, Русский вопрос на парижской мирной конференции 1919—1920 гг., стр. 343.

² Նույն տեղում:

³ В. И. Ленин, Соч., т. 30, стр. 138 (IV изд. рус.).

դադրականությունը, գործազրկությունը, սովը և ժողովուրդը կանգնած էր անդունդի եզրին:

1920 թ. ապրիլի 1-ին հրապարակված մի պաշտոնական փաստաթղթում կարդում ենք.

«Ռեբլես աշխարհի ոչ մի անկյունում այնպիսի արագությամբ չի աճում թշվառների, խեղճերի, շահագործվողների բանակը, որպիսի արագությամբ այդ կատարվում է Հայաստանի գյուղերում»:¹

Ամերիկյան մանդատով սովի մատնված Հայաստանում հայ ժողովրդի երգչյալ թշնամի դաշնակները աշխատավորների ցասումից պաշտպանություն էին գտնում ամերիկյան «գերագույն կոմիսարի» հովանու տակ և երկիրը դարձրել էին նրա գաղութը: Ամերիկյան իմպերիալիզմի սատրապները Հայաստանում դաշնակների հետ համագործակցած վարում էին ռեակցիոն քաղաքականություն, ուղղված հայ ժողովրդի դեմ և Կովկասի բոլոր ժողովուրդների դեմ. ԱՄՆ-ի իմպերիալիստները կազմակերպում և ոգեշնչում էին Անդրկովկասի հակասովետական տարրերին, ամեն ինչ անում էին Կովկասում ռևոլյուցիոն շարժումները ճնշելու, ժողովրդի ազատագրական շարժումներն արյան մեջ խեղդելու և բուրժուազիայի դիկտատուրան պահպանելու համար:

Այդպիսին էր ԱՄՆ-ի մանդատների քաղաքականությունը Հարավում, Հայաստանում: Մական աշխատավորներն ասում էին ամերիկյան իմպերիալիստներին, պայքար էին մղում նրա գործակալների դեմ: Այդ պայքարում Հայաստանի աշխատավորները մենակ չէին: Նրանց պայքարին ուղղություն էր տալիս Ռուսաստանի բանվորների և գյուղացիների քաջարի օրինակը և նրանց օգնությունը: Բոլշևիկյան պարտիան կազմակերպում և գլխավորում էր աշխատավորների պայքարը հանուն սովետական իշխանության հաղթանակի:

Սովետական Ռուսաստանի և նրա փառապանծ 11-րդ Կարմիր Բանակի օգնությամբ Հայաստանի աշխատավորները 1920 թ. ջախջախեցին իրենց ստրկացնողներին, ձախողեցին ԱՄՆ-ի մանդատների գաղութացման պլանները և նվաճեցին իրենց անկախությունն ու ազատությունը:

* * *

ԱՄՆ-ի իմպերիալիզմը սովետական իշխանության դեմ մղած իր կատաղի պայքարը չէր սահմանափակում միայն ռազմական ինտերվենցիա կազմակերպելով: ԱՄՆ-ի լրտեսները, դիվերսանտները և դիվանագետները փոխգործողության մեջ էին գտնվում էքսպեդիցիոն զորահրամանատարների հետ և գործում էին սվինին հավասար: Հատկապես Հոկտեմբերյան Սոցիալիստական ռևոլյուցիայի օրերին, ռևոլյուցիոն շարժումների աճումից վախեցած, ամերիկյան իմպերիալիստները մեծ շահերով ընդարձակեցին ԱՄՆ-ի գաղտնի ոստիկանության ցանցը և նրա գործակալներն ուղարկվեցին ուրիշ երկրներ: Եթե 1913 թ. «Հետաքննության ֆեդերալ բյուրոն»՝ ամերիկյան այդ գեստապոն պահպանելու համար բաց էր թողնվել 415.452 դոլար, ապա 1920 թ. բաց էր թողնվել 2.437.104 դոլար:²

ԱՄՆ-ի հետախուզությունը Ռուսաստանում սարդի ոստայն էր հյուսել: Այսպես, Պետրոգրադում դեսպանատուն, հյուպատոսություն, զինվորական կցորդ, Կարմիր խաչի կենտրոն, Մոսկվայում՝ գլխավոր հյուպատոսություն,

¹ «Կոմունիստ» թերթ, № 1, ապրիլ, 1920 թ. Բաբու:

² В. Л. Минаев, Американское гестапо, стр. 55, М., 1950.

Իրկուտսկում՝ գլխավոր հյուպատոսություն, Արխանգելսկում, Վլադիվոստոկում, Օմսկում, Չիտայում, Տոմսկում, Սամարայում, Բիֆլիսում, Բաթումում՝ հյուպատոսություններ, Մուրմանսկում՝ հյուպատոսական գործակալություն:

Ամերիկյան գեստապոն կունգ չէր առնում ոչ մի միջոցի առաջ: Նա կիրառում էր սպանությունների, կաշառման, կեղծիքի, տեղորի քաղաքականություն: Ուռլ Ստրիտի առաջադրանքները կատարելու համար:

1918 թ. ԱՄՆ-ի և մյուս երկրների դեսպանները փոխադրվեցին Վոլոգդա, որտեղ կազմակերպվեց «դեսպանների դավադրությունը»: ԱՄՆ-ի դեսպան Ֆրենսիսը, Ֆրանսիայի դեսպան Նուլանսը և անգլիական լրտես Լոկկարտը, կապվելով Տրոցկու, Բուխարինի և մյուս դավաճանների հետ, նախապատրաստվում էին հարված հասցնել սովետական իշխանության կենտրոնին՝ Մոսկվային: Այստեղ ևս ամերիկյան գեստապոն ակտիվ դեր էր խաղում:

Լենինի վիրավորվելը էսեռ Կապլանի կրակոցից, Չերժինսկու ձերբակալումը, Ուրիցկու և Վոլոգդարսկու սպանությունները կատարվեցին ամերիկյան կառավարության ներկայացուցիչների հրահանգներով ու առաջադրանքներով:

Կապլանը ատրճանակն ու թունավոր գնդակով փամփուշտներն ստացել էր էսեռ Բորիս Սավինկովից, իսկ Սավինկովը ամեն օր գաղտագողի այցելում էր ԱՄՆ-ի և Անգլիայի դեսպանությունները: Անգլիական լրտես Լոկկարտի դատավարությունը պարզեց (1918 թ. նոյեմբերին), որ ամերիկյան լրտեսներ Պուլը և Կոլոմատիանը գործել են անգլիական հայտնի լրտես Ռեյլեի և Ֆրանսիական լրտես Վորտոմոնի հետ միասին:

Սովետական նոր կազմակերպված երիտասարդ հետախուզությունը, որ բուն ժողովրդի ծոցից էր առաջ եկել, որին աջակցում էր ուղուցից ժողովուրդը, բացահայտեց դարերի փորձ ու պատմություն ունեցող իմպերիալիստական լրտեսների մեքենայությունները: Չեկան դիմակաղերձ արեց քողարկված դիվերսանտներին: Չերբակալության ժամանակ Կոլոմատիանի մոտ հայտնաբերվեցին ամերիկյան 32 գործակալների ցուցակն ու հասցեները և մի թղթապանակ՝ ծածկագրերի ու կոդերի:

Ամերիկյան իմպերիալիզմի գործակալների ցանցը Ռուսաստանից ձգվում էր մի գծով դեպի Վաշինգտոն, մյուսով՝ դեպի Փարիզ: Ֆրանսիայի մայրաքաղաքում 1919—1920 թթ. տեղի էր ունենում Փարիզի խաղաղության կոնֆերանսը: Կոնֆերանսում Վիսոնը, Լոյդ Ջորջը և Կլեմանսոն քննում էին «Ռուսաստանի հարցն» առանց Ռուսաստանի ազատ ժողովրդի ներկայացուցիչների այնպես, ինչպես այժմ ամերիկյան ներկայացուցիչները ՄԱԿ-ում քննում են Չինաստանի հարցերն առանց չինական մեծ ժողովրդի ներկայացուցիչների:

Այսպիսով, ԱՄՆ-ի ժամանակակից կառավարության ղեկավար Կլիկի հակասովետական քաղաքականությունը իր սկիզբն առնում է սովետական պետության առաջին օրերից: 1951 թ. դեկտեմբերի 19-ին արտասանած ճառում ընկեր Վիշինսկին ՄԱԿ-ի գլխավոր ասամբլեայի 6-րդ սեսիայում դիմակաղերձ է անում ԱՄՆ-ի կառավարության բացահայտ ագրեսիան, նրա միջամտությունը ուրիշ երկրների գործերին, նրա սանձարձակ քայլերը Սովետական Միության և ժողովրդական դեմոկրատիայի երկրների դեմ: Ընկ. Վիշինսկին նշում է, որ ԱՄՆ-ը դեռևս Հոկտեմբերյան Մեծ ուղուցիայի հաղթանակից անմիջապես հետո, հաջորդ օրն իսկ, փորձեր կատարեց Ռուսաստանի բանվորներին ու գյու-

¹ М. Сейерс и А. Каи, Тайная война против Сов. России, 52—53.

ղացիներին ստրկացնել: Նա, դիմելով ԱՄՆ-ի ներկայացուցիչներին, ասում է, որ այդ նպատակով դուք «ձեռնարկեցիք ձեր զինված ինտերվենցիան Սովետական Ռուսաստանում և ձեր դուրսի ոսկու դետր լցրիք սպիտակգլարդիական գեներալների գրպանները, որպեսզի օգնեք... բայց ո՞ւմ. Բուլակ-Բալախովիչին, Յուդենիչին, Դենիկինին, Կոլչակին, Կրասնովին, Չայկովսկուն, մենշևիկներին, սպիտակ էսեններին, դիվերսանտներին, տեռորիստներին»¹

Այսպիսով, շարադրված փաստերից մենք տեսանք, որ Չերչիլի և Կլեմանսոյի հետ միասին ամերիկյան իմպերիալիզմի ծառաներ Վիլսոնը և Հուվերը հանդիսացան երիտասարդ սովետական իշխանության դեմ ռազմական ինտերվենցիայի ակտիվ կազմակերպիչները: Ամերիկյան իմպերիալիստական կառավարությունը, աշխարհում առաջին սովետական ռեսպուբլիկայի դեմ ինտերվենցիա կազմակերպելով, ծրագրել էր տապալել սովետական իշխանությունը, մասնատել երկիրը և դարձնել ամերիկյան գաղութ:

Լենինը, դիմակազերծ անելով ԱՄՆ-ի իմպերիալիստների հրեշավոր ոճրագործությունները, կանխատեսում էր նրանց անխուսափելի վերջը. «Նրանք դալի» են ճնշելու մի ժողովուրդ, որը կապիտալիզմից անցնում է ազատության, դալիս են խեղդելու ռեոլուցիան: Եվ մենք բացարձակ վստահությամբ ասում ենք. որ այժմ չափից դուրս հղիացած գազանը նույնպիսի անդունդ կզլորվի, ինչպես գլորվեց գերմանական իմպերիալիզմի գազանը»²

Լենինի մարգարեական կանխատեսումը իրականացավ: 1918—1920 թթ. ինտերվենցիան կազմակերպող գազանները խորտակվեցին, ջախջախվեցին:

Սովետական ժողովուրդը հաղթեց իմպերիալիստներին և պաշտպանեց իր ազատությունն ու անկախությունը:

* * *

ԱՄՆ-ի և Անտանտի մյուս պետությունների հակասովետական ինտերվենցիայի ջախջախումը կազմակերպում և գլխավորում էին բոլշևիկների պարտիան, նրա առաջնորդներ Լենինն ու Ստալինը: Մերկացնելով իմպերիալիստական պետությունների հակասովետական քաղաքականությունը, Լենինը սովետական ժողովուրդին կոչ էր անում պայքարել թշնամու դեմ և պաշտպանել Հայրենիքի ազատությունն ու անկախությունը:

Ամերիկյան, անգլո-ֆրանսիական և գերմանական իմպերիալիզմի ղինված բանդանների դեմ մղվող կատաղի մարտերի մեջ ստեղծվում և կոփվում էին սովետական բանակի զորամասերը, ծնվում և դաստիարակվում էին նրա զորավարները, հերոսներն ու բոլոր ռազմիկները: Նրանք գիտեին, որ արդարացի, ազասագրական, Հայրենական պատերազմ են մղում իմպերիալիզմի զինված բանդանների դեմ և պաշտպանում են իրենց ազատությունը: Կրելով անհամար զրկանքներ, դիմանալով անասելի դժվարությունների, Սովետական Բանակի զորամասերը մեծ Ստալինի զորավարական հանճարեղ պլաններով մեկը մյուսի ետեից ջախջախեցին Կոլչակի, Յուդենիչի, Դենիկինի, Վրանգելի սպիտակ բանակները և սովետական երկրի սահմաններից դուրս վռնդեցին ԱՄՆ-ի ու մյուս իմպերիալիստների զինված բանդաններին:

¹ «Правда» № 355, 21 դեկտ. 1931 թ.

² Վ. Ի. Լենին, Երկեր, հատ. 38, էջ 192:

Ամերիկյան իմպերիալիզմի դեմ մղվող հերոսական պայքարում սովետական երկրի բանվորներն ու գյուղացիները մենակ չէին: Նրանց հերոսական պայքարով ոգեշնչվում էին Ամերիկայի հազարավոր ազատասեր աշխատավորներ: Բավական է հիշատակել, որ միայն 1919 թ. ԱՄՆ-ում տեղի ունեցավ 5577 գործադուլ 4 միլիոն բանվորների մասնակցությամբ: Դեռևս այն ժամանակ երիտասարդ կոմունիստ Ֆոստերը հերոսաբար մարտնչում էր ԱՄՆ-ի իմպերիալիզմի հակասովետական քաղաքականության դեմ: Ֆոստերի գլխավորությամբ 350 հազար մետաղագործներ գործադուլ հայտարարեցին, պահանջելով զորքերը ետ կանչել Ռուսաստանից:

Հենինի ամերիկյան բանվորներին գրած պատմական նամակները ռևոլուցիոն պայքարի էին կոչում ԱՄՆ-ի կապիտալիստների լծի տակ ստրկացված միլիոնավոր բանվորներին: Նրանք պայքար էին մղում Գոմպերսի տիպի սոցիալ-դավաճանների դեմ, որոնք ծառայագրվել էին ԱՄՆ-ի իմպերիալիստներին:

«Սոցիալիզմի երկրի վրա միջազգային կապիտալի առաջին ռազմական հարձակումը վերջացավ նրա լիակատար տապալումով»,¹ — գրել է ընկեր Ստալինը:

Սովետական Բանակը տապալեց նաև իմպերիալիզմի երկրորդ ռազմական հարձակումը սոցիալիզմի երկրի դեմ 1941—1945 թթ.:

Այսպիսով, պատմության դասերը ցույց են տալիս, որ վերջին 30 տարիների ընթացքում սովետական իշխանությունը երկու անգամ չարաչար պարտության է մատնել իմպերիալիստների համաշխարհային տիրապետության պլանները:

Այժմ ԱՄՆ-ի միլիտարիստները կաշվից դուրս են գալիս աշխարհը նոր, երրորդ համաշխարհային պատերազմի բոցերի մեջ նետելու համար: Նրանք սանձարձակ ինտերվենցիա են կազմակերպել Կորեայում, իրենց շուրջն են համախմբել ամբողջ աշխարհի ռեակցիոն ուժերը, վերածնում են ֆաշիստական սև ռայխսները Արևմտյան Գերմանիայում և միլիտարիզմը Ճապոնիայում:

Սակայն, օրըստօրե ավելի է աճում խաղաղության կողմնակիցների հզոր շարժումը: Սովետական Միության գլխավորած սոցիալիզմի և դեմոկրատիայի լազերի ուժերն աճում են և ամրանում: Այդ ուժերը պաշտպանում են խաղաղության գործը: Իսկ ամերիկյան իմպերիալիստները մոլեգնում են և ծալվել են նոր պատերազմի, նոր ինտերվենցիաների: Բայց պատմությունը ոչ մի լավ բան չի խոստանում Վիսոնի և Հիտլերի հաջորդներին, նոր պատերազմի հրձիգներին: Նրանք դատապարտված են խորտակման:

Սոցիալիզմի երկիրը, խաղաղության և դեմոկրատիայի երկիրը, նոր դեմոկրատիայի երկրների հետ միասին դիմակազերծ է անում ԱՄՆ-ի միլիտարիստների ագրեսիվ պլանները: Սոցիալիզմի և դեմոկրատիայի լազերը հզոր է և անպարտելի: Եթե 1918—1920 թթ. սովետական երկրի հերոս ժողովուրդը և նոր ստեղծված զինված ուժերը մեն-մենակ տապալեցին 14 պետությունների արշավանքը, այժմ սոցիալիզմի լազերի հզոր ուժերը կարող են հիմնահատակ խորտակել համաշխարհային իմպերիալիզմը:

¹ Համկ(ր)Պ պատմություն, համառոտ դասընթաց, էջ 333:

Ար. Мнацаканян

Провал агрессии американского империализма против советской власти в 1917—1920 гг.

Р е з ю м е

Антисоветская агрессивная политика современных реакционеров США имеет свое бесславное прошлое.

В. И. Ленин и И. В. Сталин в своих высказываниях разоблачали агрессивные захватнические цели американского империализма и антисоветскую политику правительства США еще в первые годы установления советской власти.

В статье вскрывается активная роль американского империализма в деле организации вооруженной интервенции против народов Советской страны и разоблачается душитель свободлюбивых народов, самый реакционный и наглый, самый кровавый и бешеный американский империализм.

Автором использованы материалы, приведенные в ряде изданных книг, сборников документов, разоблачающие реакционную, агрессивную политику Соединенных Штатов Америки в отношении народов нашей страны в 1917—1920 годах. Анализ этих материалов раскрывает картины вооруженной интервенции, организованной США и ее англо-французскими союзниками на севере (Мурманск), на востоке (Владивосток), на западе (Прибалтика, Петроградский фронт) и на юге (Украина, Крым, Кавказ). Автор вскрывает грубое вмешательство правительства США во внутренние дела нашей страны, его дипломатические махинации и коварные приемы, сделки американских реакционеров с белогвардейской контрреволюцией, направленные против советской власти.

На основе ряда фактических материалов в статье разоблачаются хищнические планы американских колонизаторов на Кавказе, в частности в Армении, где вместе с американскими захватчиками выступали их лакеи—дашнаки и другие буржуазно-националистические банды.

Один из разделов статьи посвящен разоблачению гнусных приемов агентов американской разведки. Американская разведка создала широкую агентурную сеть в городах и областях Советской страны, которая, так же, как и английская и французская, действовала в тесном контакте с троцкистами, бухаринцами и левыми эсерами, готовила террористические акты, совершала диверсии, убийства деятелей советской власти. Молодое Советское государство разоблачило и выкорчевало этих агентов империализма.

Под руководством партии Ленина—Сталина рабочие и крестьяне нашей страны в героической борьбе разгромили американско-английских интервентов и их белогвардейских, буржуазно-националистических агентов, отстаивали свободу и независимость нашей Советской родины.